

Espectaculo Local

Sera conoci cu Grupo di Gaita Muchanan di Mama Rosa



ORANJESTAD (AAN)- Fin di aña ya ta yegando y ya tin gruponan di Gaita den ful swing. Asina tambe nos kier pa bo sera conoci cu un grupo nobo cu ta sali originalmente for di e bario di Piedra Plat, pero cu tin integrante di diferente bario di Aruba.

Grupo di Gaita Muchanan di Mama Rosa cu tawata antes Sensacionales cu a lanta na aña 1997. E number di e grupo a bin door cu e grupo antes Sensacionales tawata conoci pa wordo yama den pueblo como muchanan di Mama Rosa tur caminda cu nan a presenta. Mirando cu

Sensacionales a yega su 15 aña y Mama Rosa mes a dicidi cu e no lo sigui mas pasobra e kier a dedica su mes na su nieta y nieto nan, mayoria di e integrante a dicidi tambe cu aña pasa lo ta nan ultimo aña. Sinembargo algun di e otro integrante nan a dicidi otro y a bini hunto pa lanta un grupo di gaita nobo. Pero Mama Rosa a keda haci falta toch y pesey a dicidi pa bay cu un grupo na Mama Rosa su cas y dune e sorpresa cu e grupo lo sigui bek y bou di e number cu e grupo a kies cu ta MUCHANAN DI MAMA ROSA y mas ainda, nan tawata kier pa e

nietanan mas grandi di Mama Rosa cu ta Tahira Wever, cu ta yiu di e cantante Sulaika Wever -Croes ex integrante di Sensaconales y cu ta un di e protagonistanan di un di e cancionnan mas popular cu ta Sulaika Candela y tambe Izellah Ruiz cu ta yiu di Ritsma Ruiz-Croes. Izellah y Tahira for di chikito caba nan ta den e mundo di farandula. Izellah ta roadmarch y calypso queen y Tahira ta reina di dande y tambe ganadora di diferente premio den festival di tumberito. Mama Rosa a gusta masha hopi mes ora cu nos a bin cu tur e propuesta nan p'e y cu su nietanan lo ta



gueststars di e grupo. Tawata un sorpesa p'e. Pero Mama Rosa no a basila y a dicidi di yuda nos y tuma over e grupo aki.

E grupo tin Sr. Roderick Croes como manager, como secretaria ta Eveline Laclé y director Musical ta Bryan Koolman, como PR ta Jelissee Boekhoudt.

E grupo tin como meta pa deleita e pueblo di Aruba cu cancionnan di Pasco y fin di aña cu nan estilo propio y cu ritmonan nobo, diferente y contagioso.

E grupo ta consisti di diferente integrante nan cu experiencia den e mundo di Gaita. E Grupo a train y tin plan pa graba cancionnan nobo y manda esakinan como promocional na nos radio emisoranan, tanto local y internacional manera Corsow y Boneiro.

Integranenan di e grupo di Gaita Muchanan di Mama Rosa ta lo siguiente:

Como "frontline di e grupo" nos tin Jeanelis Werleman cu tin mas cu 15 aña den mundo di Gaita, Jeandienne Tromp cu tambe tin casi 10 aña den gaita, Jelissee Boekhoudt cu ta cantante di dande, tumba, Festival di Himno y bandera y tambe tin hopi aña den e mundo di gaita, Kimberly Dirksz cu tambe ta cantante di gaita, Marleena Faro cu tambe di chikito a canta gaita hunto cu su mama Eveline Laclé cu tin mas cu 20 aña den e ambiente di gaita.

E musiconan ta Richnell Croes pianista y tambe ta toca sentisizer, Bryan Koolman director musical y bahista, Christopher Thiel

- cuartista, Cliffert Thiel - tamburista, Jeandre Hessen tamburista - congero, Jerrich Kock tamburista y cantante, Eddy Maduro - congero, Ruben Sprok - percussion, Gilbert Croes - bongonero, Sherby Ollivierre - timbalero, Roderick "Rudy" Croes manager - percussionista - tamburista, soundman Cedrick Franken y Jhadmir Ras, y nos helper nan di semper, Maurice Dania, Chris Ras y Leo Thiel.

Nos tin como freelancers pianista y areglista Francis Tromp y tambe Jayson Henriquez bahista cu ta cla pa yuda nos semper.

E grupo Muchanan di Mama Rosa ya a subi caya den temporada di september y nan ta mas cu cla pa sigui deleita e pueblo di Aruba cu nan musica contagioso, bailable, y sigur cu nan propio estilo. Alavez nos kier a gradici Famia Ras di babijn, tambe Sr. y Sra. Croes di angochi, Mama Rosa y Papa Lando pa habri nan porta di cas pa asina brinda nos nan hogar pa asina nos por train. Di curason masha Danki.

Pesey no duda pa yama nan pa reserva bo fecha pa e temporada di fin di aña, nan ta mas cu cla pa pone ambiente pa cualkier ocasion.

♪♪♪ Muchanan di Mama Rosa nos ta Nos ta pone ambiente pa bo sa

Cu'n ritmo diferente 'sey ta pa tur hende Ritmo contagioso sey nos ta duna boso Mas mihor no por.....♪♪♪

